

UNTUK SIARAN SEGERA



**KENYATAAN MEDIA
KEMENTERIAN PENDIDIKAN MALAYSIA**

**INISIATIF PROJEK PEMBANGUNAN SEKOLAH DAIF
TERUS DIBERI KEUTAMAAN, KPM TINGKATKAN AKSES
PENDIDIKAN BERKUALITI**

Kementerian Pendidikan Malaysia (KPM) terus menjadikan inisiatif projek naik taraf dan pembangunan semula sekolah daif di seluruh negara sebagai keutamaan bagi memastikan akses pendidikan berkualiti untuk semua murid dapat dipertingkatkan.

Sehingga tahun 2024, sebanyak 1,091 projek naik taraf dan pembangunan semula sekolah daif di seluruh negara telah diluluskan dengan melibatkan kos keseluruhan berjumlah RM8.5 bilion. Daripada jumlah tersebut, 339 projek dilaksanakan di Sabah, 400 di Sarawak dan 352 lagi di negeri-negeri Semenanjung Malaysia.

Setakat 11 Oktober 2024, sebanyak 717 projek telah siap sepenuhnya, 183 dalam pembinaan, 176 berada di peringkat prabina dan 15 lagi sedang dinilai semula. Tempoh pembinaan bagi pelaksanaan projek ini adalah di antara 6 bulan hingga 36 bulan tertakluk kepada skop projek dan keperluan kerja penyediaan tapak.

Bagi memperkasakan pelaksanaan projek naik taraf dan pembangunan semula sekolah daif, kerajaan menubuhkan Pasukan Petugas Khas Reformasi Sektor Awam (STAR) yang dipengerusikan oleh Ketua Setiausaha Negara.

KPM turut menubuhkan Jawatankuasa Pemandu dan Jawatankuasa Teknikal untuk menyelaraskan pelaksanaan projek di pelbagai peringkat serta melaporkan status projek dalam Mesyuarat Majlis Tindakan Malaysia MADANI.

-TAMAT-

**KEMENTERIAN PENDIDIKAN MALAYSIA
12 OKTOBER 2024**

Gambar boleh didapati menerusi pautan berikut:

https://drive.google.com/drive/folders/1Kk5lp_U3xaivtEBRaUzdIWDHFjZ4GGA?usp=sharing2